

## **DA LI KLUPSKA KOŠARKA U BOSNI I HERCEGOVINI IMA TREND RASTA KVALITETE ?**

### **Sažetak**

Cilj ovog rada je da se na osnovu 13 standardnih pokazatelja situacijske efikasnosti u košarci dobije relevantan odgovor na pitanje da li klupska košarka u Bosni i Hercegovini ima trend rasta kvalitete. Podaci za ovo istraživanje crpljeni su iz dvije takmičarske sezone Lige 6 prvenstva Bosne i Hercegovine iz sezone 2004/2005 i sezone 2009/2010. Odigrano je po 30 utakmica u svakoj sezoni. T – testom je utvrđena značajnost razlika između aritmetičkih sredina između pobjedničkih i poraženih ekipa u primjenjenim situacionim pokazateljima, a diskriminativnom analizom je utvrđena razlika na globalnom nivou kao i doprinos svakog situacionog pokazatelja diskriminativnoj funkciji. Rezultati istraživanja potvrđuju da je kvalitet klupske košarke u Bosni i Hercegovini u završnici prvenstva u sezoni 2009 / 2010 ravnomjerno disperziran na uravnoteženom nivou u gotovo svim klubovima (6), tako da se u odnosu na sezonu 2004 / 2005, može reći da je klupska košarka dosegla značajno viši nivo kvalitete. Ujednačen kvalitet ekipa Lige 6 u sezoni 2009 / 2010 uzrokuje visok kvalitet igre u fazi odbrane, a takva odbrana opet provocira raznovrsnost i novi kvalitet u napadačkom segmentu igre, pa se kao novi pokazatelji koji diskriminiraju pobjednike od poraženih pojavljuje šut za tri poena uspješan i blokada šuta. Može se očekivati da će se u budućem periodu kvalitetom izdvojiti neka od ekipa koja će odrediti i novi pozitivni trend razvoja bosanskohercegovačke košarke.

**Ključne riječi:** Tranzicijski napad, pozicioni napad, poziciona odbrana, pokazatelji situacijske efikasnosti, diskriminativna analiza, T – test.